









1719. Michael:

1. Alberti, ~~Propertius~~ ^{Michael}: Orontabio sing. medicæ, quæ dubia vocata
materiali medicæ exponuntur
2. Alberti, Michael: De fluxu hæmorrhoidali provocazione
^{4a. 48}
3. Bachmann, Joh. Henricus: Fœdus Institutum protestantium circa
monasterium catholicorum. .. explicat et examinari potest
subsistent. 3 Sumpt. 1719, 1725 & 1735.
- 5^a, 6^a, c. Bachmann, Joh. Henricus: De cursu præscriptionis contra
minores imperia. 3 Sumpt. 1719, 1730 & 1739.
- 6^a, c. Bachmann, Joh. Henricus: De potestate civit. in templo
2 Sumpt. 1719 & 1728.
- 7^a, 6^a, c. Guntlingius, Nic. Hieronymus: Singularia de transactio-
num stabilitate et instabilitate capitæ. 3 Sumpt.
1719, 1735 & 1757.

[Faint, illegible handwritten text, likely bleed-through from the reverse side of the page.]





208
1719 7.2
2
DISSERTATIO INAUGVRALIS MEDICA,

DE

**FLVXVS HÆ-
MORRHOIDALIS
PROVOCATIONE,**

QVAM,

FAVENTE DIVINO NVMINE

ET

GRATIOSÆ FACVLTATIS MEDICÆ CONSENSV,

PRAESIDE

DN. D. MICHAELE ALBERTI,

POTENTISS. REGIS BORVSSIÆ CONSILIARIO AVLICO,

MEDICINÆ ET PHILOS. NATVRAL. PROFESSORE PV-

BLICO ORDINARIO, ACAD. CÆSAR. NAT.

CVRIOS. COLLEGA,

FACVLTATIS MEDICÆ DECANO SPECTATISSIMO,

PATRONO, PRAECEPTORE AC PROMOTORE SUO

SVMMOPERE DEVENERANDO,

PRO GRADU DOCTORIS

Summisque in arte Medica Honoribus, Insignibus ac Pri-
vilegiis More Majorum Solenni obtinendis,

Horis ante & pomeridianis

ANNO M DCC XIX. D. OCT.

Publicæ ventilationi submittet

AVCTOR & RESPONDENS

ANDREAS HERRMANN,

Neofolio - Hungarus.

HALÆ MAGDEB. Literis STEPHANI ORBANI, Acad. Typograph.

EXCELLENTISSIMO, EXPERIENTISSIMO,
DOMINO
CAROLO OTTONI
MOLLER,
MEDICINÆ DOCTORI,
INCLYTI COMITATVS ZOLIENSIS,
LIBERAE REGIAE MONTANAEQVE CIVITATIS
NEOSOLIENSIS
PHYSICO ORDINARIO,
ET
PER PLVRES HVNGARIAE COMITATVS
PRACTICO CELEBERRIMO,
PATRONO, FAVTORI
& AMICO SVO

Tenuè hoc studiorum specimen dedicas



AVTOR



THESIS I.



DE prouocatione fluxus hæmorrhoidalis locuturus, quid hoc nomine intellectum velim, ante omnia indicare necessarium duxi. Comprehendo sub nomine fluxus hæmorrhoidalis, excretionem sanguinis sinceri ex Intestino recto, ratione motus & exitus duplicem; nimirum ex Vena hæmorrhoidali interna propagine Venæ Portæ, in nonnullis Rami Splenicis, & Vena hæmorrhoidali externa, ex ramis Iliacis internis, & quidem earum ramificatione hypogastrica propaginibus Venæ Cauræ, utrisque in Intestinum rectum excurrentibus, & diuersa via, tum Venam Portæ, tum Cavam, deplentibus: Per prouocationem autem excretionis huius in subiectis eandem nondum expertis nouam inductionem, distinctam a promotione, hæc enim magis in subiectis, quæ fluxu hoc ad tempus carent, antea tamen actu laborauere, locum habet.

Th. II.

Contingit hæc excretio partim actiue, dum Natura sponte, concessis sibi a Creatore viribus & in œconomia Vita-

4.

☉ (O) ☉

Vitali solitis modis eandem molitur, aut per varia media & occasiones ad fuscipiendum ipsam sollicitatur: partim passivæ, ubi per indirectum sanguis exprimitur, atque impostum Naturæ via & occasio suppeditatur, ut levi de causa ad pristinum recurrat actum, exitum eundem affe-ctet, & si maxime eum non adsequitur, attamen sedulo moliat, sub repetitisque motibus illi adsuescat.

Th. III.

Quod subiecta attinet: Sexus uterque hæmorrhoidum fluxui expositus est, Virilis tamen præ Sequiore. Internarum plerumque subiecta siccioris, externarum vero spongiosioris corporis habitus, in ætate Iuuenili & Virili constituta, experiuntur. Sæpe externæ in internas, & quod rarius fit, modo absit peruersa medela, internæ in externas degenerant. Nonnunquam utrasque in uno eodemque subiecto, ex hæreditaria quoque dispositione ætati & habitui corporis minus proprias, inuenimus.

Th. IV.

Ad amplum causarum iam digredior campum, inter quas primum sibi vendicat locum hæreditaria dispositio, hæc nulli sibi, certe in hæmorrhoidali negotio manifesto deprehendi solet. Pressio hanc sequitur pede Plethora, non simplex vero, sed commota, quo pertinent reliquæ sanguinem commouentes & naturam ad excretionem in certo loco suscipiendam inuitantes causæ: ut Ira, abusus Veneris, aromatum, spirituosorum, purgantium drastico-rum, clysterum & suppositoriorum acrium, equitatio nimia, alui durities graui exonerationis nisu stipata, partus difficilis, tormina grauia & tenesmus, quæ dum non modo vias, sed & humores afficiunt, excretioni hæmorrhoidali inducendæ inseruiunt.

Th.

Th. V.

Causis præcedente Thefi prolatis, annumeravi ab-
usum Veneris, quoniam non solum sanguinem commo-
vet, sed & vias, ob communem ortum vasorum venoso-
rum membri virilis & hæmorrhoidalium externorum ex
Iliacis internis, afficit, duplici documento: etenim vere
Venerea lue inquinati, peculiare quædam commotio-
nes & vlcerationes in hæmorrhoidalibus locis circa exitum
intestini recti subeunt; Eunuchi autem bene monente
Hippocrate Aphor: Sect. VI. §. 28. Podagra non laborant,
quæ cum hæmorrhoidibus externis conspiratione & con-
nexionem inuictam habet, harumque emanentem aut
impeditum fluxum communiter sequitur.

Th. VI.

Nec obliuioni tradendæ erunt obstructions, stri-
cturæ & stases Scirrhoræ Epatis, quæ excretionem san-
guinis hæmorrhoidalem post se trahunt; etenim sic con-
stitutis rebus, denegato per Epar ex Vena Portæ transitu,
sanguis ad Venam hæmorrhoidalem regurgitans, effluit,
quod si statim in initio fit, salutare, tardius vero & con-
sumtis iam viribus lethale esse solet, exemplo excretionis
hæmorrhoidalis in hectica & hydrope consumatis contin-
gentis, quo sensu non damnanda est plebis obseruatio,
quod sitales sanguinem deicere incipiant, res conclama-
ta sit.

Th. VII.

Vitilitatem huius fluxus suo iam deprehendit tempo-
re Hippocrates, nam Aph. Sect. IV. §. 25. fluxum sangui-
nis deorsum bonum pronunciat, & quod Melancholiam,
Maniam & Nephritidem soluat. Sect. VI. §. 11 & 21. a pleu-
ritide, peripneumonia, furunculis, lepra, vitiliginibus

præferuet, fideratis vtilis fit: Imo quod recentiores exactiuis deduxere, Internus, affectibus hypochondriaco-splenico hysteris, cardialgico, colico, flatulentis, &c. Externus, Nephriticis, Arthriticis & huius speciebus, Gonagricis, Podagricis, Ischiadicis, medentur: qua in re prolixior esse nolo, cum satis superque a Præceptoribus meis nunquam non venerandis: Illustri Stahlio, Consiliario & Archiatro Regio, in Dissertationibus De Vena Portæ, Porta malorum; Motu hæmorrhoidali in & externo: Sanguifugarum vtilitate &c. & Consultissimo Domino Præside: De hæmorrhoidibus longæuitatis causa, & pluribus aureis hanc in rem scriptis, deducta sint.

Th. VIII.

Hæc permouit quosdam recentiorum Physiologorum, vt, cum deprehenderent, fluxum hæmorrhoidalem eodem niti fundamento, quo fluxus menstruus, nempe plethora, utrumque e Vena Portæ prodire, loco exonerationis solum variare demonstrarent, suppressum aut impeditum similes turbas in sistemate Venæ Portæ & visceribus annexis subsequi, eum non quidem in totum, quoniam nec apud omnes promiscue, nec adeo ordinate vt menstrua succedit, præterea hypothesi de Communione Venæ hæmorrhoidalis internæ cum Cervice præcipue, vt & ex parte cum Vagina Vteri adhuc vltiori obseruatione requirente excretio Sanguinis menstrui ex Vena Portæ nondum satis cognita fit (iuxta Thefes Anatomico Physiologicas De Vena Portæ, Celeberrimi apud Argentoratenfes Anatomie Profess. D.D. Salzmanni, qui cum omni adhibita solertia, plus vna vice in subiectis muliebribus, iunctis etiam liquorum iniectionibus, nondum adhuc Venæ hæmorrhoidalis internæ progressum ad vterum
cius-

eiusque partes, quem plures alii Anatomici allegant, inueniret, turbas illas potius ex aliqua anastomosi rami Venæ hæmorrhoidalis internæ cum externa in Sphinctere ani deducit) attamen aliquo respectu euacuationi non naturali annumerarent, quam & fieri debere, & quando non sit durationem corporis lædere.

Th. IX.

Eodem ex vilitatis fonte motam inueni quæstionem, Dissertatione De hæmorrhoidum Internarum motu: An hæmorrhoides aduæfactas oppugnare & in totum percurare integrum sit? Mihi aliam ventilare placet: An & quibus subiectis fluxus hæmorrhoidalis prouocandus sit? atque in hac decidenda quid debiles valeant humeri experiri.

Th. X.

Nota est Mich: Scoti adfertio de Iudæis, quod ex Diuina quadam vindicta hoc effeminato laborent fluxu, & quamuis quæ Galenus, Aetius, Riuerius & alii, de euacuatione hæmorrhoidali proferunt, quod imbecillitatem totius corporis, miseram vitam, periculosissimos morbos, atrophiam, cachexiam, hydropem, inducat, multos vita priuet, de excessu vel defectu eius dicta esse, quilibet exactius ponderando & trutinando animadverteret: tamen cum vix sine molesto sensu, torminibus, angustiis, pressioibus & tensionibus circa hypochondria & crucem, vtpote quasi essentialibus indiuiduis hæmorrhoidum Symptomatibus, ac sic motuum qui vitæ & sanitati præsumunt aucto gradu & alteratione succedat, unde rectissime hoc sensu a Foresto L.23. Obs. III. Salytare malum nuncupatur; iure meritoque cum Consultissimo Friderico Hoffinanno Præceptore meo nunquam non colen-

colendo sentio , excretionem hæmorrhoidalem in morborum quamuis leuiorum numerum referri debere, & vtiq; omnes qui ea detinentur, morbo licet leuiori obnoxios esse.

Th. XI.

Dixi in antecedentibus, hæmorrhoidum internarum fluxum, ex Vena hæmorrhoidali interna, in Intestinum rectum excurrente, cuius inferiorem partem Spithamæ circiter longitudine ambit, & profundius interiorem eius partem perreptat, prodire; externarum vero ex Vena hæmorrhoidali externa, quæ itidem ad intestinum rectum excurrentis eius orificio inserta est; hinc euenit, vt ob commodiorem insertionem & situm, internæ facilius externis succedant, quæ vix vnquam sine externis adminiculis ad expeditiorem pertingunt successum: interim vtriusque excretionis incertus & anceps manet successus, siquidem a leuissima causa occasionali turbantur, & læniam malorum, grauissimis morbis corpus humanum affligentium post se trahunt, a quibus homines excretionem hac destituti, & liberi & absque periculi metu viuunt.

Th. XII.

Dum itaque fluxus hæmorrhoidalis, iuxta Th. X. in morbidum homines coniiicit statum, iuxta Th. XI. semper dubius & anceps est eius successus, turbatum grauiâ comitantur mala, sana suadet ratio eundem non prouocandum esse, sed molimina eius potius desuesacienda. Atque sic satisfactum a me autumo, quæstionis motæ primæ parti. Causæ suæ Patronum videant vbi nanciscuntur, qui indiscretim fluxui hæmorrhoidali & hunc comitantibus periculis homines exponere non dubitant.

Th. XIII.

Th. XIII.

Quod ad alterum quæstionis prolatae attinet membrum: Dixi quidem thesi præcedente, ob varia ibidem relata incommoda & pericula fluxum hæmorrhoidalem nemini inducendum esse: Ast quoniam bene notante Manilio omnes Artes adeoq; & Medicam Experientia fecit, exemplo monstrante viam, docent hæc in quotidiana nos Praxi, quod in quibusdam casibus ad euitandos grauiores & periculosiores morbidos affectus & effectus, hæc excretio prouocari debeat: etenim e duobus ineuitabilibus malis, fatius & rationabilius est, subire minus. Quando itaque cuiquam grauior imminet morbus, pro auertendo hoc, bona conscientia leuiori exponitur. Mearum iam erit partium in quibus subiectis id vtile ac necessarium sit, ostendere.

Th. XIV.

Indicat prouocationem hæmorrhoidum hæreditaria dispositio, etenim in talibus subiectis, in quibus molimina aut actualis fluxus præmature etiam absente plethora apparere solent, inanis imo noxius esset conatus, molimina eo collimantia desuesfacere & naturæ motus turbare velle, siquidem multo peiora exinde expectanda forent, & habet si alicubi, certe in hoc passu locum Effatum Hippocratis: Naturas ducendas esse, quo vergunt.

Th. XV.

Placet hanc in rem vnicum adducere exemplum: Iuuenis 24. annorum, temperamenti Sanguineo-Melancholici, antea laborioso vitæ generi deditus, patre hæmorrhoidario natus, cum tribus iam annis hæmorrhoides internas menstruas subiisset, præter has æquinoctio autumnali dorso & cruris vexatur doloribus, qui in ma-
 B lum

lum Ischiadicum desiere, hoc sequebantur, pustulæ prurientes circa limbum ani, quæ adhibito Virguento Saturnino Camphorato disparuere, redeunte tamen priore malo, cum dorsi & spasticis vagis arthriticis doloribus scapularum, colli & artuum, hi, accedentibus largis spontaneis matutinis sudoribus arte promotis, sensim euanuere. Aduentante æquinoctio Vernali, adhibet Venæ Sectionem præseruatiuam in Pede, nihilominus sequuntur hæmorrhoides cœcæ tumentes, quæ suffimigiis cedunt, secutis in horum locum multo grauioribus, arthriticis vagis doloribus, a quibus, non nisi prouocatis per hirudinum usum hæmorrhoidibus, liberabatur, & continuata sic versus æquinoctia Venæ Sectione & hirudinibus, ab incommodis illis, liber vixit.

Th. XVI.

Vestigia hæreditariæ dispositionis legunt, molimina in plethoricis ad hæmorrhoidalem excretionem tendentia, quæ imminutionibus & vicariis actualibus sanguinis euacuationibus non obtemperant, sed obstinate persistunt, aut ad loca inconuenientis & periculosi exitus recurrunt, grauiores ibi inducendo affectus: exemplo Hæmoptyses, Vomitus, Mictus Cruenti, & aliarum incongruarum excretionum hæmorrhagarum.

Th. XVII.

Libet huius rei exempla proferre: Vir 40. circiter annorum, temperamenti melancolico-cholerici, aliquot ab annis affectibus pectoris hæmoptycis detinebatur, qui successu temporis, in dolores cardialgico-emeticos, post assumptos cibos quotidie magis increbescentes, non obstante vsu Venæ Sectionis in pede, desinebant, hos in Consilium vocatus Practicus, dato anotericos motus di-

ver-

vertente puluere Rhabarbarino iuncto stimulo Colocynthiaco, præsentaneæ sustulit, redibant tamen post aliquot dies, & disparuere rursus sub iterato pulueris vsu cum leuamine, inconstanti tamen. Suaderur hirudinum vsus, quem tamen recusabat, potius alium adit Excellentiorum Medicum, hic postquam prauitatem Ventriculi incusasset Vomitorium præbet, cuius vsum hyperemesis secuta, accedente amaurosi & actuali excretionem Sanguinis, sub qua cruentam euomuit animam.

Alter prægressis in Iuuentute largis narium hæmorrhagiis, in prouectiore ætate vero grauissimis hemicranicis doloribus, initium sensit Catarractæ, quæ nil obstantis Venæ Sectione in Pede, externis discutientibus, internis Mercurialibus laxantibus in dies maius fumebat incrementum, adhibito vero & continuato hirudinum vsu cum topicis discutientibus, euauit.

Th. XVIII.

Ne patientia Lectoris abutar, unicum adhuc proferre mihi liceat exemplum: Vir Sanguineo-Melancholicus 30 aliquot annorum, rheumaticos dolores ante aliquot annos in pede perpeffus, corripitur æquinoctio autumnali diarrhœa torminosa, deiectionibus mucidis sanguineis struis tinctis, tensione hypochondriorum, dolore crucis & tenesmo comite: hanc Medicus in Consilium vocatus pro Dysenteria habens, fistere in & externis stypticis manibus pedibusque conatur, striæ sanguineæ disparerent, mucidorum deiectione perseverante; Hinc Dysenteriam albam accusat, sub usu stypticorum deiectionis decrefcit, tensione hypochondriorum, doloribus dorsi & tenesmo ingrauescentibus, accedente vna angustia peccatoris & momentaneæ strangulationis metu, hæc sæpius secuta deiectione moderatiora fiunt, aguntur talia per aliquot

quot hebdomadas, accedens alter Medicus ex relatis, molimina hæmorrhoidalia subesse concludit, eaque cum per aliquot septimanas iam durassent, temperantibus, anodynis & specificis sopire & in tranquillum statum deducere tentabat, ab eorum vero usu & diarrhœa & tormina cum supra dictis incommodis creuere, post meridiem inualefcente quotidiano horrore, extremorum frigore & leui æstu, tumore pedum, qui mane euanescere suevit: Dantur tandem sanguinem & vias ad exitum disponentia, & hæmorrhoidalem fluxum prouocantia, sub quorum usu & perripit, & sensim vna cum diarrhœa & cæteris incommodis disparuit, ægro ad pristinum sanitatis vigorem redeunte.

Th. XIX.

Restat vt remedia quæ molimina hæmorrhoidalia desuesfaciunt, vt & quæ actualement excretionem inducunt, suppeditent. Primum præstant Vicariæ sanguinis immutiones & euacuationes, euitatio causarum occasionalium, quæ plethoram commouent & vias afficiunt, quales Th. 4. & sequent. recensentur; his subiungantur temperantia & spasmos, congectionum autores, in visceribus abdominalis & aliis partibus, resoluentia, nitrosa, cinnabarina, salia media, nec non quæ æqualem sanguinis circulum inducunt, turbas circa Venam Portæ sedant, & tonum partibus restituunt: ex Rad Alexipharmacis, Millefolio, scordio & similibus concinnata, non neglecto motu & potu: habent quoque locum specifica, pro qualibus habetur, Dens hypopotami, Lap. Manati &c.

Th. XX.

Priusquam autem de remediis excretionem hæmorrhoidalem inducentibus acturus sum, supersunt duo monitu

nitū & memoratu digna: Vnum vt hæc tempeſtiue ſuſcipiatur, dum adhuc vires & viſcerum integritas præſto ſunt, nec in conſuetudinem molimina abiere: hæc enim inuaſeſcente nullum tenent modum, ſed leuiſſima ex cauſa inſurgunt, quod præcipue de excretionem hæmorrhoidum externarum dictum eſto; quæ tardius inducta molimina adſuefacta non ſoluit, exemplo motuum ſpaſticorum: Arthritis, Podagræ, Gonagræ, &c. non enim ceſſant, imo vix mitigantur.

Th. XXI.

Contigit mihi habere Virum per longum tempus moliminibus hæmorrhoidalibus externis, ſpaſmodicis, arthriticis, ad pedes vsque euagantibus, & hos podagricis doloribus excruciantibus, vexarum, in quo non obſtante larga euacuatione per hirudines, & debito medicaminum vſu, nullus conſtans ſequebatur effectus, ſed motus ſpaſtici vix per tres, quatuor dies emanſere, ex conſuetudine iterum redeuntes. De tardo & inutili internarum fluxu in hydrope & hæctica conſumatis, in antecedentibus Th. VI. dictum.

Th. XXII.

Alterum eſt, vt vſum medicaminum excretionem hæmorrhoidalem inducentium, præcedat præparatio ita dicta corporis, tam humorum, quam viarum. Inanis enim foret conatus, immobile, aut etiam mobile per imperuia & minus patula loca mouere velle: animus igitur eo dirigendus vt ante omnia humores & viæ ad exitum diſpoſitæ ſint, obtineri hæc poſſunt, poſt imminutam Venæ ſectiõne in Pede Plethoram, diluentibus, & fluxilitatem ſanguini conciliantibus, vnaque vias relaxantibus, qualia ſunt, ſufficiens corporis motus & copioſior Cereviſiæ

visæ tenuioris, acidularum aut aliorum decoctorum, & in forma Thee vsualium Infusorum ex herbis Capillarius, Amaris, Neruinis, mediocribus: Rad. Alexipharmacis. Salibus mediis. Tinct. Antimonii: &c. parrior autem Vini Generosioris, potus, pro diuersitate temperamentorum ordinandis.

Th. XXIII.

Hæmorrhoidalem sinceri sanguinis excretionem prouocant, tam quæ humores solum, quam quæ vias vna afficiunt. Ad priorum numerum spectant, omnia quæ sulphureo copiosiore sanguinem commouente & expandente gaudent principio, qualia sunt: Omnia Aromata, & ex his præparata: Gummi Resinæ: Hederæ. Myrrhæ. Ammoniæ. Galbani. &c. Ad posteriorum vero, Purgantia: Scamoneum Gialappa, Colocynthis, Elleborus & mitissimum Rhabarbarum. &c. De purgantibus in genere notum est, quod tam humores quam vias afficiant. Prius testatur lac nutricum, sub vsu purgantibus, tenellos laxans infantes: Posterius stricture & macilentus post vsu adspæctus, dum superficie corporis stricta, sanguis ad intestina copiosius delegatur. De Aloe constat, quod inter centum qui ea abutuntur, vix decem a fluxu ad minimum moliminibus hæmorrhoidalibus liberi maneant. Colocynthis & Elleborus tenesimum inducunt, sub quo ipse Intestinorum mucus & si dosi peccetur sincerus sanguis exprimi solet; & hæc prudenter adhibita sanguinem ad loca hæmorrhoidalia potenter inuitant. De Ellebero pulcherrimam tradit obseruationem Consultissimus Dominus Præses: Dissert. De hæmorrhoidibus scæminarum. p. 19. fluxus hæmorrhoidalis per eundem & emenagoga in femina plethorica prouocati: huc spectant ex præcedentibus composita; Extr. Catholium.

cum. Pançym: Crollii Pill. Aloephang: Francofurtenses, & mitissimo effectu Beccherianæ. Tinct. Martis Eleborata: &c. Nec male ad inuitandos & revellendos ab aliis locis humores adhibentur suppositoria & Clysteres acres.

Th. XXIV.

Superfunt hirudines, quæ interno, præsertim autem præ omnibus medicamentis externo fluxui opem summam ferunt, siquidem sanguinem & inuitant & educunt, nec quenquam circumspectus eorum vsus absque solamine & bono effectu relinquet, debitum solum traditorum mediorum & pro diuersitate subiectorum ac circumstantiarum variantem, expetimus vsum. Diuino

Numini pro concessis viribus & sic Feliciter exantlatis laboribus, grates summas dicentes.



MActe animo, ne linque pedem, nec retrabe gressum,
Eminentium stadium declivi perfice gradu,
Sic labor eximius, sint Syrtes atque Charybdes,
Filium Ariadneum presto est. Sic itur ad astra!
Sic via per tenebras ad lucem panditur almam!
Obstaculum tandem superat labor improbus omne,
Felix qui potuit rerum cognoscere causas!
Dum nullum studium subterfugit atque laborem.
Virtutem insequitur tandem pede gloria presso,
Omnem pro meritis operam decorabit Apollo
Gratus: at auspiciis presto est felicibus ecce,
Et letabundus dignos impertit honores.
Gratulor ex animo, totoque e pectore letor,
Supremum Numen cumulos superaddat honorum,
Aspiret votis, & singula cepta secundet,
Et precor ut memori semper me mente recondas.

ita applaudens scribebat
L. H. POT. F. M. D.

VT monumenta meae pietatis, Frater! haberes,
Quanta Tibi potuit munera, mittit amor.
Vfus amoris enim tecum mihi firmior omni
Et fuit, & fiat, scis! adamante velim.
Quique sumus vinciti studiis communibus ambo,
Qua in me tu fueras hac Tibi mente precor:
Quam cupis, ut felix posses excolere Quercu,
Et rota sincero currat ut axe Tua.
Profiti! ametque suam Cultorem, cum Ioue Musa,
Aegris, & Medico profiti! opemque ferat.
Hoc duce namque nouus Medicus celebraberis Herrmann
Pauperis & Ditis, Fratris & ore tui.

jure
Cluis, amoris & generis propinquitate
coniunctissimi

STEH. ANTON. KOCHLATZ,
p. t. Med. Pract. Schemnitziensis,

1862 (o) 1862

Halle, Diss., 1719
(A-G)

ULB Halle

3

006 535 038



VD18

2/10







208

1719 7.23

2

DISSERTATIO INAUGVRALIS MEDICA,

DE

FLVXVS HAE- MORRHOIDALIS PROVOCATIONE,

QVAM,

FAVENTE DIVINO NVMINE

ET

GRATOSÆ FACVLTATIS MEDICÆ CONSENSV,

PRAESIDE

DN. D. MICHAELE ALBERTI,

POTENTISS. REGIS BORVSSIÆ CONSILIARIO AVLICO,

MEDICINÆ ET PHILOS. NATVRAL. PROFESSORE PV-

BLICO ORDINARIO, ACAD. CÆSAR. NAT.

CVRIOS. COLLEGA,

FACVLTATIS MEDICÆ DECANO SPECTATISSIMO,
PATRONO, PRAECEPTORE AC PROMOTORE SUO
SVMMOPERE DEVENERANDO,

PRO GRADU DOCTORIS

Summisque in arte Medica Honoribus, Insignibus ac Pri-
vilegiis More Majorum Solenni obtinendis,

Horis ante & pomeridianis

ANNO M DCC XIX. D. OCT.

Publicæ ventilationi submittet

AVCTOR & RESPONDENS

ANDREAS HERRMANN,

Neofolio - Hungarus.

HALÆ MAGDEB. Literis STEPHANI ORBANI, Acad. Typograph,

M. Koch

